

Оношлуур, эм биобэлдмэл ба хэрэглүүр



УДИРДАГЧ
Ч.Чимэдрагчаа
УАУТХ-ийн
захирал, АШУ-
ны доктор,
профессор,
зөвлөх зэргийн
эмч




УДИРДАГЧ
Д.Цэрэндагва
АШУ-ны доктор,
профессор,
АШУУИС-
ийн эмнэлзүй
эрхэлсэн дэд
захирал

СУДАЛГААНЫ БАГИЙН ГИШҮҮД:

Д.Шинэтуяа, УАУТХЭ-ийн дарга, Зүү
эмчилгээний зөвлөх зэргийн эмч
Д.Амарзаяа, АУ-ны доктор, УАУ-ны зөвлөх
зэргийн эмч УАУТХЭ-ийн ЭТҮЧАБА-ны дарга
Б.Дэжидмаа, УАУТХ-ийн эрдэм шинжилгээний
ахлах ажилтан, ахлах зэргийн эмч
Г.Жаргалсайхан, Магистр, УАУ-ны тэргүүлэх
зэргийн эмч, УАУТХЭ-ийн тасгийн эрхлэгч
Н.Мөнхбат, Магистр, УАУ-ны тэргүүлэх зэргийн
эмч УАУТХЭ-ийн тасгийн эрхлэгч

КОВИД-19-ийн үед Монголын уламжлалт анагаах ухааны эмүүдийн эмнэлзүйн судалгаа



КОВИД-19 БА УЛАМЖЛАЛТ ЭМ ТАН

Судалгааны ажил нь уламжлалт анагаах ухаанаар коронавирусийн халдварын хөнгөн үед эмчилгээний үр дүнтэй болох нь ажиглагдлаа.

ҮНДЭСЛЭЛ

Коронавирусийн халдварын үеийн эмчилгээний үндсэн удирдамжтай хавсруулан уламжлалт эм, эмчилгээний аргуудыг хэрэглэх нь уг өвчнийг эмчилгээний үр дүнг нэмэгдүүлэх, эмчилгээний хугацааг богиносгоход эерэгээр нөлөөлөх боломжтой юм. Монголын уламжлалт анагаах ухааны тусламж үйлчилгээг төрөөс эрүүл мэндийн баримтлах бодлогын 2.4.2.8 дахь заалтыг үндэслэн эрүүл мэндийн тогтолцоотой уялдуулан, орчин үеийн анагаах ухаантай хослуулан хэрэглэх замаар эмнэлзүйн нотолгоонд суурилсан тусламж үйлчилгээг чанартай хүртээмжтэй үзүүлэхэд оршино. Дэлхийн улс орнуудад пандемик байдлаар тархаж байгаа коронавирус КОВИД-19-ийн үед Монголын уламжлалт анагаах ухаан болон бусад орны уламжлалт анагаах ухааны арга барилыг эмчилгээнд хэрэглээд гарсан үр дүнг, туршлагыг үндэслэн уламжлалт эм, эмчилгээний аргын үзүүлэх нөлөөг тогтоох, уламжлалт эмийн дархлал дэмжих нөлөөт эм жор болон эмчилгээний бусад аргуудыг КОВИД-19-ийн эмчилгээний зааварт оруулах, улмаар эмчилгээний үр дүнг сайжруулах, өвчлөлийн хугацааг богиносгоход томоохон хувь нэмэр оруулна гэж үзэж байна.

ЗОРИЛГО

Монгол улсад илэрсэн КОВИД-19 коронавирусийн халдвараар оношлогдсон өвчтөнүүдэд Монголын уламжлалт анагаах ухааны тусламж үйлчилгээ үзүүлэх, эмчилгээний хугацааг богиносгож,

эдгэрэлтийн явцыг сайжруулах, үр дүнг нэмэгдүүлэх.

ЗОРИЛТ

1. УАУ-ны эм, заслын эмчилгээний үр дүнг тооцох
2. КОВИД-19-ийг эмчлэх УАУ-ны эмнэлзүйн заавар боловсруулах

АРГА ЗҮЙ


Дескриптив судалгааны аргыг ашиглан эмнэлзүйн судалгааг хийж гүйцэтгэсэн. Судалгааг дескриптив стратеги бүхий нэг агшингийн судалгааны аргаар явуулна. ОУӨА-10 ангиллын дагуу U.07.1, U.07.2 оношоор оношлогдсон ЭНЭҮТ-2, УАУТХ-ийн эмнэлгийг түшиглэн хэрэгжүүлэх ба КОВИД-19 халдвар оношлогдсон, хэвтэж эмчлүүлж буй өвчтөнүүдэд таниулсан зөвшөөрлийн хуудсыг танилцуулан өөрийн сайн дурын зөвшөөрлийн дагуу судалгаанд оролцуулсан. Уламжлалт анагаах ухааны их эмч буюу судлаач нь Монголын уламжлалт анагаах ухааны эмчилгээний түр зааврыг баримтлан өвчтөний биеийн байдал, өвөрмөц чанар, уламжлалт анагаах ухааны асуух, үзэх, хүрэлцэх шинжилгээний арга, лабораторийн шинжилгээний үр дүнтэй уялдуулан эмчилсэн. Эмчилгээнд Мана-4, Норов-7, Лидэр-7, Банздо-12, Лоцадгүнсэл, Жуган-25, Зову-8, Агар-35, 15, Чун-5, 9, Сампилноров, Ванжин-15, Үзэм-7 зэрэг 16 нэр төрлийн эмүүдийг өвчтөний биеийн байдал, өвчин буусан орон, цагтай уялдуулан хэрэглэлээ. Нэг эмийн хоногийн тун нь 2-4 гр, 4-5 эмийг хавсруулан хэрэглэнэ. Судалгаа нь нийт

7-14 хоног үргэлжлэх бөгөөд үр дүнг тооцохдоо эмчилгээний өмнөх ба дараах үеийн биеийн байдал, уламжлалт анагаах ухааны үзлэг, лаборатори, багажийн шинжилгээний өөрчлөлтийг харьцуулан үнэлнэ. Өөрөөр хэлбэл эмчилгээ хийхийн өмнө, эмчилгээ хийсний дараа УАУ-ны үзэх, хүрэлцэх, асуух шинжилгээний аргаар илэрсэн өөрчлөлтүүд, лабораторийн болон багажийн шинжилгээний үзүүлэлтүүдийг харьцуулан судалсан.

ҮР ДҮН:


ЭНЭҮТ-2 эмнэлэгт 2021.01.10 – 2021.03.30 хүртэл УАУТХ-ийн эмч, сувилагч, асрагч нар 8 багт оролцож ажиллаж байна. Нийт 502 өвчтөнд эмийн эмчилгээ хийж үр дүнг тооцсон. Энэ нь нийт үйлчлүүлэгчдийн 72.1% нь уламжлалт эмийн эмчилгээг сонгосон байна. Эдгээрээс 126 үйлчлүүлэгчдийг судалгаанд хамруулсан. УАУ-аар / TMI00.TMG00.01.01/ халдварт халууны эс боловсорсон, уушгины халуунаар хатгах /ТМК01.04.04/ оноштой эмчлүүлэгчдийг хамруулсан.

Судалгаанд хамрагдсан 126 эмчлүүлэгчийн 52% нь эрэгтэй 48% нь эмэгтэй эмчлүүлэгч байлаа (Зураг 1).




Зураг 1. Судалгаанд хамрагдагсан хүмүүсийн хүйсийн харьцаа

Насны хувьд 18-44 насны эмчлүүлэгч 48,4%, 45-59 насны эмчлүүлэгч 21% байсан байна (Зураг 2).




Зураг 2. Судалгаанд хамрагсадын насны ангилал

Нийт судалгаанд хамрагдсан эмчлүүлэгчдийн 40% нь эмнэлзүйн шинж тэмдэг илэрсэн (Зураг 3) бөгөөд 36% нь ханиалгах, 25% нь толгой өвдөх, 24% нь хамар битүүрэх, 15% цээж хөндүүрлэх, 13% нь үнэр амт мэдрэхгүй болох шинж тэмдэг илэрсэн байна (Зураг 4).




Зураг 3. Шинж тэмдгийн илрэл

Эмчлүүлэгчдийн халууралтын байдлыг авч үзэхэд 45% өндөр буюу 380 С -аас дээш халуурч байсан байна. Өндөр халууралтын үед Зову-8, Лидэр-7 эмнүүд илүү үр дүнтэй болох нь клиник ажиглалтаас харагдлаа(Зураг 5).



Зураг 4. Эмнэлзүйн шинж тэмдгүүд



Зураг 5. Уламжлалт эмийн хэрэглээ



Зураг 6. КОВИД-19 батлагдсан тохиолдлын эмчилгээний бүдүүвч

ДҮГНЭЛТ:

1. Уламжлалт анагаах ухааны эмээр коронавирусын халдварыг эмчлэхэд эмнэлзүйн шинж тэмдэгийг 92%-ийн үр дүнтэй болох нь ажиглагдлаа.
2. КОВИД-19-ийг эмчлэх УАУ-ны эмнэлзүйн зааврыг боловсруулсан.